

Visiun



La Svizra en il cor. Nus reunin persunas, opiniuns e regiuns per la diversidad e la coesiun.

Missiun



Noss cuntegns inspireschan, fascineschan e rendan udibel e visibel quai che muventa il mintgadi da la Svizra. Noss schurnalissem independent rinforza l'orientaziun e la confidenza. Nus ans basain sin ils basegns dal public e da la societad.

Valurs



Proximitad

La SRG SSR¹ tutga a tuttas e tuts.

Nus essan datiers da las regiuns e da las persunas che vivan en Svizra. Nus faschain tut per chapir e per resguardar las aspectativas e las disas dal public – per crear valor persunala e publica.

1: SRG SSR stat per l'entira interpresa cun tut las unitads regiunalas RTR, RSI, RTS e SRF.



Independenza

La SRG SSR è independenta.

Nus essan libers d'influenza politica, economica u instituziunala – tant externa sco interna. Nus pussibilitain da furmar in'opiniun che sa basa sin fatgs.



Curaschi

La SRG SSR è flexibla ed ha il curaschi da far insatge nov.

Nus ristgain da far novas experientschas ed ans sviluppain cuntinuadamain. Noss public stat en il center dal svilup da nossa purschida e da noss products.



Responsablada

Nus essan ina SRG SSR.

Nus surpigliain responsablada – per nossa lavur, in per l'auter e per la societad. Nus ans engaschain da cuminanza per in'auta qualidad e per temas relevants per esser fidabels, credibels ed objectivs. Nus retschertgain conscienziusamain e rinforzain la diversidad d'opiniuns. Nus gidain a s'orientar en ils temas che muventan nossa societad. Uschia creain nus confidenza ed in fundament stabil per in barat social.



Avertada

La SRG SSR taidla.

Nus essan en in dialog avert cun las persunas en Svizra e concepim cuminaivlamain nossa convivenza. Nus tadlain activamain tut las differentas vuschs e culturas ed avischinain uschia las regiuns ina a l'autra – cun mirveglias, avertada e plaschair dal barat.



Transparenza

La SRG SSR è transparenta.

Nus rendain visiblas e suandablas per noss public nossas decisiuns, nossa moda da lavurar e noss metier da schurnalissem. Nus mussain la producziun dal schurnalissem e promovain la reflexiun critica. Nus essan autocritics ed emprendain in da l'auter.